

STATUT
STRANKE DEMOKRATSKE AKCIJE SANDŽAKA
(Prečišćen tekst zaključno sa izmjenama i dopunama od 03.03.2012. godine)

I OSNOVNE ODREDBE

Član 1.

Naziv stranke je Stranka demokratske akcije Sandžaka, na srpskom jeziku i ćiriličnim pismom, odnosno Stranka demokratske akcije Sandžaka na bosanskom jeziku i latiničnom pismu (u daljem tekstu Stranka), na kom će biti upisana u Registar političkih stranaka.

Skraćeni naziv stranke je SDA Sandžaka.

Sjedište Stranke je u Novom Pazaru.

Član 2.

Stranka demokratske akcije Sandžaka je Stranka bošnjačke nacionalne manjine u Republici Srbiji čiji su ciljevi definisani Programom Stranke i ovim Statutom.

Član 3.

Stranka djeluje na prostoru Republike Srbije, a u skladu sa zakonskim propisima i u inostranstvu.

U okviru Stranke postoji i omladinska organizacija.

Naziv omladinske organizacije je Asocijacija mladih SDA Sandžaka (u daljem tekstu AM).

Član 4.

Svoj Program i ciljeve Stranka ostvaruje demokratskim oblikovanjem političke volje građana i učešćem na izborima, vršenjem vlasti ili djelovanjem u opoziciji.

Član 5.

Stranka je pravno lice i nju zastupa i predstavlja Predsjednik Stranke ili lice koje on ovlasti.

Član 6.

Stranka ima svoj pečat.

Pečat Stranke je okruglog oblika, a po obodu tekst: Stranka demokratske akcije Sandžaka ispisan srpskim jezikom i ćirilničnim pismom, Stranka demokratske akcije Sandžaka bosanskim jezikom i latiničnim pismom, sa utisnutim simbolom Stranke u sredini ispod koga stoji: Centrala Novi Pazar, odnosno, za niže organizacione jedinice, naziv organizacione jedinice na koju se odnosi.

Član 7.

Simbol Stranke je kompozicija i kombinacija stilizovanog ljiljana i početnih slova naziva Stranke.

Zastava Stranke se sastoji od tri polja po dužini zastave. Dva polja zelene boje jednake širine, po 30%, uz rubove po dužini zastave i središnjeg polja širine 40%, bijele boje. Na centralnom dijelu bijele površine nalazi se simbol Stranke.

Odnos dužine i širine zastave je u razmeri 3:2.

Glavni odbor Stranke ima pravo vršiti promjenu simbola Stranke.

II PROGRAMSKI CILJEVI

Član 8.

Programski ciljevi Stranke su:

- 1)Demokratizacija društva u svim sferama života;
- 2)Maksimalna afirmacija i unapredjenje ljudskih prava i sloboda;
- 3)Ravnopravnost naroda, zaštita i unapredjenje prava manjinskih zajednica i nacionalnih manjina, u skladu sa međunarodnim normama;
- 4)Punopravno članstvo Srbije u Evropskoj Uniji i druge evropske i evroatlanske institucije, organizacije i regionalna saradnja;
- 5)Očuvanje, zaštita i unapređenje individualnih i kolektivnih prava bošnjačke nacionalne manjine u Republici Srbiji;
- 6)Djelotvorno učešće Bošnjaka u javnom životu;
- 7)Briga o porodici, očuvanje i unapređenje bošnjačkog identiteta i tradicionalnih vrijednosti u porodičnom i javnom životu, zaštita javnog morala;
- 8)Pravo građana Sandžaka na brži ekonomski razvoj i regionalnu samoupravu u Republici Srbiji;

9)Održivi razvoj, zaštita, očuvanje i unapređenje životne sredine i prekogranična saradnja.

Član 9.

Stranka će sarađivati sa srodnim političkim organizacijama u ostvarivanju globalnih zajedničkih ciljeva u Republici Srbiji kao i sa organizacijama naših građana izvan zemlje, a u skladu sa Zakonom.

Stranka se može udruživati u šire političke saveze u zemlji i inostranstvu, odnosno može ući u koaliciju sa drugim političkim strankama, pri čemu zadržava svoj pravni subjektivitet o čemu odluku donosi Glavni odbor Stranke dvotrećinskom većinom prisutnih članova na sjednici Glavnog odbora.

Stranka se može spojiti sa drugom ili drugim političkim strankama koje su upisane u Registar, a u skladu sa Zakonom, o čemu odluku donosi Skupština Stranke dvotrećinskom većinom prisutnih članova na sjednici Skupštine.

Član 10.

Stranka može sarađivati i biti član međunarodnih udruženja čije je djelovanje u skladu sa njenim programskim načelima, a nije u suprotnosti sa pozitivnim zakonskim propisima Republike Srbije.

O učlanjivanju u međunarodna udruženja odlučuje Glavni odbor Stranke.

Odluka o učlanjivanju u međunarodna udruženja se donosi dvotrećinskom većinom prisutnih članova na sjednici Glavnog odbora.

Član 11.

Djelovanje i rad Stranke je javan.

Javnost rada ostvaruje se:

- Objavljivanjem putem interneta osnivačkog akta, ličnog imena zastupnika političke Stranke, Programa, Statuta i drugih opštih akata Stranke ako ih donosi.
- Redovnim obavještanjem članstva i javnosti o svim bitnim pitanjima vezanim za rad Stranke.
- Stranka može izdavati svoja glasila, biltene i publikacije.
- Sredstva javnog informisanja mogu pratiti rad Stranke. Izuzetno, Stranka može isključiti javnost iz svog rada o čemu organ Stranke prethodno donosi odluku.

III ČLANSTVO

Član 12.

Član Stranke može postati svaki punoljetan i poslovno sposoban građanin koji dobrovoljno prihvati Program i Statut Stranke i potpiše pristupnicu.

Član 13.

Član Stranke ima pravo da u skladu sa Statutom:

- učestvuje u svim aktivnostima Stranke, u kreiranju i sprovođenju njene politike,
- slobodno izražava mišljenja i daje prijedloge u vezi sa djelovanjem Stranke preko organa Stranke, pomaže rad Stranke,
- bira i bude biran u sve organe i tijela Stranke,
- bude kandidovan na stranačkim listama u izborima za organe vlasti,
- bude informisan o aktivnostima i djelovanju Stranke i
- izjavi žalbu ili predstavku organima Stranke.

Član 14.

Član Stranke je dužan da se u skladu sa Ustavom i zakonom bori za ostvarivanje Programa i ciljeva Stranke,

- pridržava se Statuta i ostalih normativnih akata Stranke,
- sprovodi program Stranke i odluke organa Stranke,
- zalaže se za uspjeh Stranke na izborima,
- čuva ugled Stranke i brani interese Stranke,
- učestvuje u aktivnostima Stranke,
- čuva i štiti imovinu Stranke,
- plaća članarinu.

Član 15.

Članstvo u Stranci prestaje istupanjem, isključenjem ili smrću člana.

Član može biti isključen iz Stranke ako djeluje suprotno Programu, Statutu i donijetim odlukama organa Stranke.

Prijedlog za isključenje člana Stranke mora biti sačinjen u pisanoj formi i potpisan od strane predlagača, ili se iznosi na zvaničnoj sjednici organa Stranke na kojoj se vodi zapisnik.

Prijedlog za isključenje mora biti argumentovan.

Odluku o isključenju donosi opštinski/gradski Izvršni odbor Stranke ili, ako se radi o funkcionerima, Glavni odbor Stranke.

Član ima pravo na žalbu protiv odluke o isključenju Sudu časti Stranke u roku od 8 dana od dana donošenja odluke o isključenju.

Sud časti svoju odluku donosi u roku od 15 dana od dana dobijanja žalbe.

Odluka Suda časti Stranke je konačna.

IV ORGANIZACIJA I ORGANI STRANKE

Član 16.

Organi Stranke su: Kongres, Skupština, Glavni odbor, Predsjednik, Predsjedništvo, Sud časti i Nadzorni odbor Stranke.

Kongres Stranke

Član 16a

Kongres je najviše predstavničko tijelo Stranke i saziva se odlukom Glavnog odbora Stranke.

Glavni odbor Stranke saziva Kongres na prijedlog Predsjedništva ili najmanje jedne trećine članova Glavnog odbora Stranke.

Odluka o sazivanju Kongresa Stranke donosi se najmanje 30 dana prije održavanja Kongresa većinom glasova prisutnih članova.

Predlagač odluke o sazivanju Kongresa obavezan je da predloži dnevni red i obrazloži potrebu za održavanjem Kongresa.

Delegate Kongresa čine članovi svih organa Stranke, odbornici, poslanici, kao i delegati opštinskih/gradskih odbora koji se za svaku sjednicu Kongresa određuju na osnovu kriterijuma koje utvrdi Glavni odbor Stranke.

Član 16b

Kongres Stranke:

- donosi ocjenu o radu svih organa Stranke,
- donosi političku platformu Stranke,
- donosi odluke, strategije, rezolucije, deklaracije i zaključke, koji su obavezujući za sve organe Stranke,

- definiše i usvaja smjernice političkog djelovanja Stranke za određeni period,

Skupština Stranke

Član 17.

Skupština je najviši organ Stranke.

Skupština Stranke može biti redovna, vanredna i svečana.

Skupštinu sačinjavaju zastupnici opštinskih/gradskih odbora izabrani na osnovu kriterijuma koje utvrdi Glavni odbor Stranke.

Mandat skupštine traje četiri godine.

Član 18.

Predsjednik Stranke saziva Skupštinu svake četvrte godine.

Predsjednik Stranke može sazvati Skupštinu i prije utvrđenog roka.

Skupština se može sazvati i na prijedlog dvije trećine članova Glavog odbora Stranke.

Član 19.

Skupština Stranke:

- donosi, mijenja i dopunjuje Program i Statut Stranke,
- razmatra i ocjenjuje aktivnost Stranke između zasijedanja Skupštine,
- razmatra i ocjenjuje izvještaje o radu Glavnog odbora, Predsjednika Stranke, Nadzornog odbora, Suda časti i drugih organa, odbora i radnih tijela Stranke,
- može donositi opšta pravna akta Stranke iz svoje nadležnosti,
- određuje osnovne pravce djelovanja Stranke za naredni period,
- bira Glavni odbor, Predsjednika Stranke, Sud časti i Nadzorni odbor Stranke,
- rješava i druga pitanja od značaja za rad i djelovanje Stranke.

Skupština punovažno radi ukoliko je na sjednici prisutna većina od ukupnog broja članova, a odluke se donose prostom većinom prisutnih članova Skupštine, ako ovim Statutom nije drugačije određeno.

Glavni odbor

Član 20.

Glavni odbor je najviši organ Stranke između dvije Skupštine.

Glavni odbor Stranke broji 60 članova, od čega predsjednik Stranke imenuje 20 članova, odnosno jednu trećinu od ukupnog broja radi održavanja kontinuiteta Stranke, a 40 članova bira Skupština tajnim glasanjem.

Predsjednik Stranke i predsjednik AM su, po funkciji, članovi Glavnog odbora Stranke.

Mandat članova Glavnog odbora traje četiri godine.

U slučaju bolesti, podnošenja ostavke, razriješenja ili prestanka članstva u Stranci, članu Glavnog odbora, Nadzornog odbora ili Suda časti, Glavni odbor Stranke vrši dopunu narednim članom sa izborne liste za izbor tog organa.

Sjednice Glavnog odbora saziva i njima predsjedava predsjednik Stranke.

Glavni odbor punovažno odlučuje kada je na sjednici prisutna većina od ukupnog broja članova, a odluke se donose većinom glasova prisutnih članova Glavnog odbora, ako ovim Statutom nije drugačije određeno.

Član 21.

Glavni odbor:

- sprovodi odluke i zaključke Skupštine,
- utvrđuje stranačku politiku između dvije Skupštine,
- odlučuje o učešću Stranke na izborima i o udruživanju odnosno koaliciji,
- utvrđuje kandidate za poslanike, odbornike i nosioce drugih funkcija vlasti,
- donosi odluku o teritorijalnoj organizaciji Stranke,
- na prijedlog Predsjedništva imenuje i razrješava članove stalnih radnih tijela, odbora i komisija i ostalih tijela za kojim se ukaže potreba,
- razmatra godišnji izvještaj o radu organa i radnih tijela Stranke,
- ocjenjuje rad predstavnika Stranke na svim nivoima vlasti i odlučuje o opozivu,
- donosi godišnji finansijski plan Stranke,
- razmatra i usvaja izvještaje o finansijskom poslovanju Stranke,
- uređuje osnove organizacije i djelovanje Asocijacije Mladih Stranke demokratske akcije Sandžaka,
- tumači odredbe Statuta Stranke i utvrđuje prijedlog izmjena i dopuna,
- po potrebi može donositi opšta pravna akta Stranke,
- odlučuje o saradnji ili učlanjavanju u međunarodna udruženja, organizacije, i sl.,
- vrši i druge poslove koje mu naloži Skupština Stranke.

Na prijedlog Predsjedništva ili najmanje jedne trećine članova Glavnog odbora saziva Kongres Stranke.

Članovi Glavnog odbora Stranke ne mogu istovremeno biti članovi nižih organa Stranke. Izborom u Glavni odbor, izabranom članu prestaje članstvo u nižim organima Stranke.

Član 22.

Sjednice Glavnog odbora saziva Predsjednik Stranke, a u njegovom odsustvu Zamjenik predsjednika Stranke ili potpredsjednik po ovlaštenju predsjednika Stranke. Sjednice Glavnog odbora se zakazuju po potrebi, a najmanje tri puta godišnje.

Na svojoj prvoj sjednici, odmah po izboru, Glavni odbor na prijedlog predsjednika Stranke bira: zamjenika predsjednika, potpredsjednike, Generalnog sekretara Stranke i utvrđuje sastav Predsjedništva Stranke.

Predsjednik Stranke obavezan je da sazove sjednicu Glavnog odbora kada to traži Predsjedništvo Stranke ili najmanje jedna trećina članova Glavnog odbora.

Predsjednik Stranke

Član 23.

Predsjednika Stranke bira skupština tajnim glasanjem.

Mandat Predsjednika Stranke traje četiri godine i može biti ponovo izabran.

Predsjednik Stranke:

- predstavlja i zastupa Stranku,
- obezbjeđuje jedinstveno i cjelovito funkcionisanje Stranke, te izvršenje utvrđene stranačke politike,
- predlaže Glavnom odboru kandidate za izbor u organe vlasti,
- saziva Predsjedništvo Stranke i predsjedava njegovim sjednicama,
- imenuje do 1/3 članova Glavnog odbora,
- predlaže Glavnom odboru kandidate za zamjenika predsjednika, potpredsjednike i Generalnog sekretara Stranke,
- saziva i predsjedava sjednicama Glavnog odbora,
- priprema i predlaže Program Stranke,
- saziva Skupštinu i
- pokreće rješavanje političkih i drugih pitanja od važnosti za Stranku.

U slučaju izuzetnih okolnosti (kada je onemogućen rad Skupštine, Glavnog odbora i drugih organa Stranke) proglašava vanredno stanje u Stranci i preuzima odgovarajuće mjere u cilju zaštite Stranke i programskih opredjeljenja. Nakon prestanka vanrednih okolnosti Predsjednik Stranke saziva organe Stranke i podnosi izvještaj o preduzetim mjerama.

Za svoj rad Predsjednik je odgovoran Skupštini koja ga može opozvati. Prijedlog za opoziv može podnijeti jedna trećina osnivača Stranke ili dvije trećine članova Glavnog odbora Stranke, ukoliko smatraju da Predsjednik neuspješno vodi Stranku.

Prijedlog za opoziv mora biti argumentovan i podnijet u pisanoj formi. Predsjednik Stranke je opozvan ukoliko se za opoziv tajnim glasanjem izjasni dvije trećine ukupnog broja članova Skupštine.

Član 24.

U slučaju odsustva Predsjednika Stranke njegove poslove obavlja Zamjenik predsjednika Stranke ili lice koje Predsjednik Stranke ovlasti u pisanoj formi.

Zamjenik predsjednika i potpredsjednici Stranke

Član 25.

Zamjenik predsjednika Stranke:

- u odsustvu Predsjednika ili po njegovom ovlašćenju predstavlja i zastupa Stranku, predsjedava sjednicama Glavnog odbora Stranke i Predsjedništva Stranke,
 - po funkciji je predsjednik Političkog savjeta Stranke,
 - po funkciji je odgovoran za razvoj Stranke i rad opštinskih/gradskih odbora Stranke,
 - uspostavlja teritorijalnu organizaciju Stranke, koordinira, prati i ocjenjuje rad opštinskih/gradskih odbora Stranke,
 - u skladu sa odlukama Skupštine i Glavnog odbora i po ovlašćenju Predsjednika Stranke, obavlja i druge dužnosti i poslove iz domena djelovanja Stranke.
- Za svoj rad Zamjenik predsjednika Stranke odgovara Glavnom odboru i Predsjedniku Stranke.

Član 26.

Potpredsjednici Stranke:

SDA Sandžaka ima najmanje jednog potpredsjednika. Potpredsjednici Stranke imaju resorna zaduženja.

Potpredsjednici Stranke usmjeravaju i usklađuju rad organa Stranke u oblastima koje odredi Predsjednik Stranke.

Predsjednik Stranke može ovlastiti potpredsjednika Stranke da rukovodi projektom iz više resora.

Potpredsjednici u skladu sa odlukama Glavnog odbora i po ovlašćenju Predsjednika Stranke obavljaju i druge dužnosti i poslove iz domena djelovanja Stranke, Za svoj rad potpredsjednici odgovaraju Glavnom odboru i Predsjedniku Stranke

Član 27.

Zamjenika predsjednika i potpredsjednike Stranke bira Glavni odbor Stranke iz svog sastava, na prijedlog Predsjednika Stranke.

Izbor Zamjenika predsjednika Stranke i potpredsjednika se vrši javnim glasanjem, većinom glasova prisutnih članova Glavnog odbora.

Mandat zamjenika predsjednika i potpredsjednika Stranke traje četiri godine.

Član 28.

Ukoliko smatraju da Zamjenik predsjednika Stranke ili potpredsjednici ne ostvaruju uspješno svoje dužnosti, ponašaju se negativno ili postupaju suprotno Programu ili Statutu Stranke, članovi Glavnog odbora ili Predsjednik Stranke mogu pokrenuti postupak za njihov opoziv.

Prijedlog za opoziv mora biti argumentovan.

Odluku o opozivu Zamjenika predsjednika i potpredsjednika Stranke, Glavni odbor donosi većinom glasova prisutnih članova.

Ukoliko Zamjenik predsjednika Stranke ili potpredsjednik Stranke podnese ostavku na svoju funkciju, Glavni odbor će na prijedlog Predsjednika Stranke, iz svojih redova, izabrati novog Zamjenika predsjednika ili potpredsjednika Stranke.

Generalni sekretar Stranke

Član 29.

SDA Sandžaka ima Generalnog sekretara.

Generalnog sekretara SDA Sandžaka bira Glavni odbor iz svog sastava, na prijedlog Predsjednika Stranke, javnim glasanjem većinom glasova prisutnih članova.

Mandat Generalnog sekretara Stranke traje četiri godine.

Generalni sekretar Stranke :

- po funkciji je ovlašten za promociju, zastupanje i usaglašavanje stavova Stranke u odnosima sa drugim političkim strankama, državnim organima, nevladinim i međunarodnim organizacijama,
- priprema i organizuje održavanje sjednica organa i radnih tijela Stranke,
- koordinira rad svih organa Stranke i organizuje sprovođenje njihovih odluka i zaključaka na svim nivoima stranačke organizacije, kao i u organima vlasti i drugim državnim organima, institucijama i javnim funkcijama,
- vrši tumačenje donesenih odluka i zaključaka i ovjerava zapisnike sa sjednica Predsjedništva i Glavnog odbora Stranke,
- priprema i ugovara zvanične razgovore, susrete i sastanke u ime Stranke.

Za svoj rad Generalni sekretar Stranke odgovara Glavnom odboru i Predsjedniku Stranke.

Razrešenje ili opoziv Generalnog sekretara Stranke vrši se na isti način kao i njegov izbor.

Predsjedništvo

Član 30.

Izvršno - političko tijelo Stranke je Predsjedništvo.

Predsjedništvo Stranke čine: Predsjednik Stranke, Zamjenik predsjednika Stranke, potpredsjednici, Generalni sekretar Stranke, predsjednik AM, predsjednik Nadzornog odbora, Suda časti i Kadrovske komisije Stranke.

Predsjednik Stranke saziva i predsjedava sjednicama Predsjedništva Stranke.

Članovi Predsjedništva preuzimaju zaduženja po pojedinim oblastima i odgovorni su za praćenje, predlaganje i realizaciju usvojene politike Stranke u toj oblasti.

Član 31.

Na prvoj sjednici predsjedništva, Predsjednik Stranke daje konkretna resorna zaduženja potpredsjednicima. Potpredsjednici su dužni da u roku od najviše 30 dana sačine i predstavljaju program rada svog resora, u pisanoj formi predlože sastav radnih tijela, rukovode radom i realizacijom programa.

Predsjedništvo Stranke:

- sprovodi utvrđenu politiku između dva zasijedanja Glavnog odbora i obavlja tekuće poslove i zadatke,
- utvrđuje nacрте svih akata i odluka koje donosi Skupština i prijedloge akata koje donosi Glavni odbor Stranke,
- predlaže Glavnom odboru Stranke imenovanje i razrješenje članova stalnih radnih tijela, odbora i komisija i ostalih radnih tijela za kojim se ukaže potreba,
- utvrđuje prijedloge dnevnog reda za sjednice Glavnog odbora,
- prati rad nižih organa Stranke i odlučuje u skladu sa Statutom,
- izvršava odluke i sprovodi stavove Skupštine i Glavnog odbora Stranke,
- utvrđuje prijedlog finansijskog plana Stranke,
- stara se o stranačkoj imovini i raspolaže imovinom Stranke,
- u saradnji sa predstavnicima Stranke u organima vlasti organizuje izradu programa, projekata, zaključaka, odluka, uredbi, amandmana, zakona i slično,
- zauzima stavove o predloženim rješenjima,
- odlučuje o osnivanju opštinskih/gradskih odbora ili prestanku rada odbora i o imenovanju povjereništva,
- daje saglasnost na liste kandidata za izbor u organe Stranke na svim nivoima,
- stara se o finansiranju Stranke i prikupljanju članarine i donacija,
- imenuje šefa stručnih službi Stranke,
- po potrebi osniva stručne službe Stranke i odlučuje o radnim odnosima u Stranci,
- izvršava i druge poslove i zadatke koje mu povjeri Glavni odbor,
- predlaže Glavnom odboru Stranke odluku o sazivanju Kongresa Stranke.

Član 32.

Predsjedništvo Stranke ima pravo razriješiti regionalni, opštinski/gradski odbor, odnosno mjesni odbor u cjelini kao i pojedine njihove članove, ako ocijeni da djeluju u suprotnosti sa Programom, Statutom i drugim odlukama organa Stranke i time ugrožavaju interese, ugled ili nanose štetu Stranci.

Nadzorni odbor

Član 33.

Nadzorni odbor broji pet članova.

Članove Nadzornog odbora bira Skupština Stranke.

Nadzorni odbor na konstitutivnoj sjednici bira predsjednika Nadzornog odbora iz svog sastava.

Mandat članova Nadzornog odbora traje četiri godine.

Nadzorni odbor :

- kontrolira finansijsko poslovanje svih organa i stručnih službi Stranke ,
- prati primjenu odredaba Statuta, Programa i realizaciju odluka organa Stranke,
- u saradnji sa Kadrovskom komisijom prati izbornu proceduru, ukazuje na propise, daje rok za ispravke i daje mišljenje o regularnosti izbora Predsjedništvu i Glavnom odboru Stranke,
- prati regularnost izbora u organima Stranke na svim nivoima, sumira nalaze, donosi ocjene o njihovom radu i daje ih na razmatranje Predsjedništvu i Glavnom odboru,
- prati dinamiku i ozbiljnost organizacije, regularnost izbornog procesa od biračkog mjesta do Republičke izborne komisije,
- prati plan i program predizbornih aktivnosti na svim nivoima,
- prati plan i program realizacije predizbornog marketinga (plakati, poster, zastave i sl.)
- prati medijske kampanje javnih nastupa i prisustva u medijima,
- prati održavanje javnih skupova,
- ukazuje na propuste i predlaže ispravke,
- obavlja i druge poslove nadzora i kontrole po sopstvenoj i inicijativi Glavnog odbora, Predsjedništva ili Predsjednika Stranke.

Nadzorni odbor punovažno radi kada je prisutna većina članova odbora, a ocjene, prijedloge, stavove i zaključke donosi većinom glasova.

Članovi Nadzornog odbora Stranke ne mogu istovremeno biti članovi nižih organa Stranke.

Izborom u Nadzorni odbor, izabranom članu prestaje članstvo u nižim organima Stranke.

Skupština Stranke može opozvati Nadzorni odbor u cjelini ili člana Nadzornog odbora na obrazloženi pisani prijedlog Predsjedništva stranke.

Sud časti

Član 34.

Sud časti broji jedanaest članova.

Članove Suda časti bira Skupština Stranke.

Sud časti na konstitutivnoj sjednici, na prijedlog Predsjedništva Stranke, bira predsjednika i zamjenika predsjednika Suda časti iz svog sastava.

Mandat članova Suda časti traje četiri godine.

Mandat članovima Suda časti može prestati i prije isteka vremena na koji su izabrani i to:

- podnošenjem neopozive ostavke,
- nastupanjem okolnosti zbog kojih član ne može više obavljati dužnost,
- razrješenjem od strane Skupštine Stranke demokratske akcije Sandžaka,

Ukoliko zbog razloga prijevremenog prestanka mandata člana Suda časti postoji nepopunjeno mjesto u Sudu časti, sud može raditi i bez tog člana.

Skupština Stranke demokratske akcije Sandžaka na prvoj sljedećoj sjednici može izabrati novog člana Suda časti kojem mandat traje do kraja mandata trenutnog saziva Suda časti.

Sud časti rješava inicijative za utvrđivanje odgovornosti i isključenje članova, kao i druge slučajeve koji su mu dati u nadležnost Statutom ili drugim opštim aktom Stranke.

Odlučuje o izricanju mjere opomene i isključenja iz članstva u drugom stepenu, i to većinom od broja prisutnih.

Radi u Vijeću od pet članova. Predsjednik Suda časti za svaki slučaj određuje Vijeće sudija.

Sud časti odlučuje o svim spornim pitanjima u Stranci i rješava po žalbama na:

- Odluke o isključenju iz članstva,
- Odluke o opozivu sa stranačke funkcije,
- Odluke o opozivu sa javnih funkcija u organima vlasti ili drugim javnim rukovodećim funkcijama,
- Odluke o raspuštanju - razrješenju pojedinih organa odbora ili opštinskog/gradskog odbora u cjelini,
- Odluke o prestanku rada opštinskog/gradskog odbora,
- Odluke o utvrđivanju liste kandidata za izbore u organe Stranke ili organe vlasti i druge rukovodeće ili javne funkcije,
- Kršenje izborne procedure i druge neregularnosti u izbornom procesu,
- Izborne rezultate,
- Rad funkcionera Stranke na svim nivoima.

Članovi Suda časti, ukoliko su pravnici, ne moraju biti članovi Stranke.

Održavanje sjednica

Član 35.

Svaki organ Stranke može zasjedati i odlučivati kada je na sjednici prisutno više od polovine članova tog organa.

Odluke se donose većinom prisutnih članova, ako Statutom nije drugačije određeno.

Članovi neposredno viših predstavničkih organa Stranke (Glavni odbor, Nadzorni odbor i Sud časti) mogu učestvovati u radu nižih predstavničkih organa Stranke.

Savjeti i stručne komisije Stranke

Član 36.

Savjeti, odbori i stručne komisije su stalna radna tijela Stranke čiji mandat traje četiri godine.

Na osnovu Statuta i Programa Stranke predlažu Glavnom odboru kratkoročne i dugoročne programe iz svoje oblasti, strategiju za realizaciju programa, dinamiku i finansijsku konstrukciju.

Nakon usvajanja na Glavnom odboru programi, projekti i stavovi postaju obavezujući.

Savjeti, odbori i stručne komisije pokreću inicijative i predlažu konkretne izmjene Statuta i Programa Stranke iz svoje nadležnosti, kao radna tijela za proučavanje i razmatranje pitanja iz tih oblasti i daju mišljenja i preporuke organima Stranke i predstavnicima Stranke u organima vlasti ili na drugim javnim funkcijama prijedloge zaključaka, odluka, prijedlog zakona, amandmane na zakone i sl.

Politički savjet

Politički savjet je stalno radno tijelo Stranke sastavljeno od predstavnika Stranke u skladu sa Statutom.

Političkim savjetom predsjedava i rukovodi zamjenik predsjednika Stranke ili lice koje imenuje Predsjedništvo Stranke.

Politički savjet čine :

- zamjenik predsjednika Stranke,
- predsjednici opštinskih/gradskih odbora Stranke,
- predsjednik Nadzornog odbora Stranke,
- narodni poslanici, ministri i lica koja imenuje i postavlja Vlada,
- predsjednici opština/ gradonačelnici.

Zadaci Političkog savjeta su da :

- razmatra idejna i politička pitanja koja su od važnosti za Stranku,
- prati i razmatra sva politička zbivanja i pojave, definiše jasne stavove po tim pitanjima i predlaže ih organima Stranke na usvajanje.
- definiše strategiju u politici Stranke, odnosno utvrđivanje političke strategije,

- predlaže organima Stranke izmjene i dopune Programa Stranke i predlaže akcijske planove za različite oblasti programa Stranke
- predlaže Predsjedništvu platformu i strategiju izbornog programa Stranke.

Svi prijedlozi Političkog savjeta moraju biti jasno definisani u pisanoj formi. Članovi Političkog savjeta mogu prisustvovati sjednici Predsjedništva ili Glavnog odbora Stranke u svojstvu izvjestioca kada su na dnevnom redu prijedlozi koje su podnijeli.

Politički savjet za svoj rad odgovara Predsjedništvu i Glavnom odboru Stranke.

Odluke se donose većinom glasova prisutnih članova

Izborna komisija

Predsjednika, zamjenika predsjednika i članove Izborne komisije imenuje i razriješava Glavni odbor na prijedlog Predsjedništva Stranke.

Izborna komisija broji ukupno devet članova.

Predsjednik Izborne komisije po funkciji je potpredsjednik Stranke.

Izborna komisija:

- predlaže organima Stranke plan i program predizbornih aktivnosti i izborne kampanje sa finansijskom konstrukcijom i rukovodi realizacijom usvojenog plana i programa,
- priprema kompletnu stranačku infrastrukturu za učešće u izbornom procesu na svim nivoima,
- vodi evidenciju svih biračkih mjesta na području svih opštinskih/gradskih odbora,
- imenuje opštinske/gradske izborne komisije,
- daje saglasnost na imenovanje biračkih odbora na biračkim mjestima,
- prati i izučava zakonske propise u vezi organizacije izbora,
- organizuje seminare za obuku članova biračkih odbora i članova opštinskih/gradskih izbornih komisija,
- imenuje opštinske/gradske izborne štabove i daje saglasnost na imenovanje izbornih štabova u mjesnim odborima i mjesnim zajednicama,
- uspostavlja koordinaciju izbornih štabova i biračkih odbora na svim nivoima,
- rukovodi aktivnostima na pridobijanju birača tokom čitavog mandata.

Odluke se donose većinom glasova prisutnih članova.

Statutarna komisija.

Predsjednika, zamjenika predsjednika i članove Statutarne komisije imenuje i razriješava Glavni odbor na prijedlog Predsjedništva Stranke.

Statutarna komisija broji ukupno pet članova koji su pravnici.

Statutarna komisija:

- utvrđuje nacrt Statuta,
 - tumači Statut i druga opšta akta,
 - utvrđuje usklađenost opštih akata sa Zakonom i Statutom i međusobnu usklađenost opštih akata i predlaže rješenja ako utvrdi neusaglašenost,
 - rješava sukob nadležnosti organa Stranke kada to Statutom nije drugačije određeno.
- Odluke se donose većinom glasova prisutnih članova.

Kadrovska komisija

Predsjednika, zamjenika predsjednika i članove Kadrovske komisije imenuje i razriješava Glavni odbor na prijedlog Predsjedništva Stranke.

Kadrovska komisija broji ukupno sedam članova.

Predsjednik Kadrovske komisije po funkciji je član Predsjedništva Stranke.

Kadrovska komisija:

- predlaže kadrovsku politiku Stranke,
 - predlaže kriterijume za odabir kandidata,
 - u skladu sa utvrđenim stranačkim principima i kriterijumima pravi kadrovske liste potencijalnih kadrova prema stručnoj spremi, koji pokazuju spremnost i sposobnost da budu kandidovani za izbor ili imenovanje u organe Stranke ili na javne funkcije u ime Stranke,
 - utvrđuje nacrt liste kandidata za izbor ili imenovanje na određene pozicije u organima Stranke ili organima vlasti,
 - utvrđuje prijedlog izborne liste za izbor na svim nivoima u organima Stranke i u organima vlasti
 - prati i analizira rad predstavnika Stranke u organima vlasti na rukovodećim mjestima i drugim javnim funkcijama i položajima i ukazuje na propuste i greške,
 - donosi ocjene o njihovom radu, i o tome obavještava nadležne organe Stranke.
- Odluke se donose većinom glasova prisutnih članova.

Komisija za budžet i finansije.

Predsjednika, zamjenika predsjednika i članove Komisije za budžet i finansije imenuje i razriješava Glavni odbor na prijedlog Predsjedništva Stranke.

Komisija za budžet i finansije broji ukupno pet članova.

Komisija za budžet i finansije :

- predlaže godišnji finansijski plan Stranke (budžet),
- utvrđuje proceduru trošenja sredstava budžeta,
- obavlja i druge poslove iz ove oblasti u skladu sa Zakonom.

Odluke se donose većinom glasova prisutnih članova.

V TERITORIJALNA ORGANIZACIJA

Teritorijalna organizacija Stranke

Član 37.

Osnivanje odbora Stranke vezano je za potrebe članstva radi političkog djelovanja.

Na području opštine-grada može se osnovati jedan odbor, a u zavisnosti od potrebe i broja članstva može se organizovati više mjesnih odbora u okviru opštinskog/gradskog odbora.

Opštinski/gradski odbor Stranke osniva se odlukom Predsjedništva Stranke.

Gradski odbor Stranke se formira na nivou grada.

Član 38.

Organi opštinskog/gradskog odbora su:

- Skupština opštinskog/gradskog odbora
- Glavni odbor opštinskog/gradskog odbora
- Izvršni odbor opštinskog/gradskog odbora
- Nadzorni odbor opštinskog/gradskog odbora.

Opštinski/gradski odbor Stranke može formirati u zavisnosti od potrebe razne stručne komisije i savjete o čemu odluku donosi Izvršni odbor opštinskog/gradskog odbora.

Član 39.

Zastupnici za Skupštinu biraju se na osnovu kriterijuma koje usvoji Glavni odbor Stranke.

Skupština opštinskog/gradskog odbora formira se po predstavničkom principu na osnovu rezultata izbora sprovedenih na prostoru mjesnih odbora za izbor zastupnika. Na konstitutivnoj sjednici Skupštine opštinskog/gradskog odbora Izborna komisija podnosi izvještaj, verifikuju se mandati zastupnicima i bira se predsjednik, zamjenik predsjednika i sekretar skupštine.

Mandat skupštine traje četiri godine.

Glavni odbor Stranke ima pravo opozvati skupštinu opštinskog/gradskog odbora ili zastupnike pojedinačno.

Odluke na Skupštini se donose većinom prisutnih članova.

Član 40.

Skupština opštinskog/gradskog odbora:

- razmatra i usvaja program rada,
- razmatra finansijski plan i izvještaj o radu opštinskog/gradskog odbora,
- bira organe na nivou opštinskog/gradskog odbora.

Član 41.

Glavni odbor opštinskog/gradskog odbora čine svi članovi Izvršnog odbora opštinskog odbora, predsjednici mjesnih odbora i predsjednik opštinskog/gradskog odbora AM.

Član 42.

Glavni odbor opštinskog/gradskog odbora:

- razmatra društveno-političke prilike na svom području,
- ocenjuje rad Izvršnog odbora na tri mjeseca,
- utvrđuje smjernice za rad odbora opštinskog/gradskog odbora između dva zasijedanja Skupštine opštinskog/gradskog odbora,
- utvrđuje listu kandidata (predlaže Kadrovskoj komisiji) iz opštinskog/gradskog odbora za izbor u više organe Stranke i organe vlasti.

Glavni odbor opštinskog/gradskog odbora zasjeda najmanje jednom u tri mjeseca.

Mandat Glavnom odboru opštinskog/gradskog odbora traje četiri godine.

Odluke na sjednicama Glavnog odbora se donose većinom prisutnih članova.

Član 43.

Skupština opštinskog/gradskog odbora tajnim glasanjem bira Izvršni odbor opštinskog/gradskog odbora Stranke koji broji od 9 do 15 članova.

Mandat članova Izvršnog odbora traje četiri godine.

Izvršni odbor na konstitutivnoj sjednici, na prijedlog Predsjedništva Stranke, bira Predsjednika iz svog sastava.

Na prijedlog Predsjednika, Izvršni odbor opštinskog/gradskog odbora bira potpredsjednika, sekretara i blagajnika iz svog sastava.

Odluke se donose većinom prisutnih članova.

Predsjednik Izvršnog odbora predsjedava i sjednicama Glavnog odbora i po funkciji je član Političkog savjeta Stranke.

Predsjednika Izvršnog odbora, na obrazloženi pisani zahtjev najmanje jedne trećine svojih članova i uz saglasnost Predsjedništva Stranke, može razriješiti Izvršni odbor opštinskog/gradskog odbora.

Izvršni odbor u cjelini ili člana Izvršnog odbora može razriješiti Predsjedništvo Stranke ukoliko ocijeni da djeluje u suprotnosti sa Programom, Statutom i drugim odlukama organa Stranke i time ugrožavaju interes, ugled ili nanose štetu Stranci.

Predsjedništvo Stranke utvrđuje listu izabranih članova opštinskog/gradskog odbora, verifikuje sastav organa opštinskog/gradskog odbora i izdaje rješenje o radu izabranih organa sa ličnim podacima o svakom članu, načinu izbora i funkciji u organima opštinskog/gradskog odbora.

Član 44.

Izvršni odbor opštinskog/gradskog odbora:

- uspostavlja organizaciju rada Stranke na opštinskom/gradskom nivou,
- koordinira rad mjesnih odbora na nivou opštinskog/gradskog odbora po sistemu subordinacije u korelaciji sa organima Stranke provodi ukupnu usvojenu programsku politiku,
- preko svojih organa i članstva sprovodi u djelo odluke viših organa Stranke, predlaže višim organima kadrovska i programska rješenja iz nadležnosti odbora,
- sprovodi u djelo usvojeni Program rada Skupštine opštinskog/gradskog odbora i odluke Glavnog odbora opštinskog/gradskog odbora,
- podnosi Predsjedništvu Stranke tromjesečni izvještaj o rezultatima svoga rada i sprovedenih odluka viših organa Stranke,
- pokreće aktivnosti u cilju pridobijanja novih članova i povjerenja građanstva,
- pridobija i priprema stručne kadrove za osvajanje vlasti koji će sprovoditi politiku Stranke,
- organizuje redovno i blagovremeno informisanje članstva,
- priprema kandidate za učešće u izbornom procesu na svim biračkim mjestima i svim izbornim radnjama,

- organizuje izbornu kampanju za pridobijanje birača,
- osniva mjesne odbore i koordinira njihov rad,
- organizuje prikupljanje članarine i dobrovoljnih priloga,
- priprema i organizuje stranačke manifestacije,
- organizuje marketinšku djelatnost,
- vodi aktivnosti zaštite životne sredine i humanitarne akcije,
- uspostavlja saradnju sa drugim demokratskim strankama, kulturno-prosvjetnim, humanitarnim i drugim organizacijama na svom nivou u skladu sa politikom i Programom Stranke,
- obavlja i druge poslove u skladu sa Programom i Statutom Stranke.

Nadzorni odbor opštinskog/gradskog odbora

Član 45.

Nadzorni odbor opštinskog/gradskog odbora broji pet članova koje bira skupština opštinskog/gradskog odbora Stranke.

Nadzorni odbor opštinskog/gradskog odbora na svojoj konstitutivnoj sjednici bira Predsjednika iz svog sastava.

Odluke se donose većinom prisutnih članova.

Mandat članova Nadzornog odbora traje četiri godine.

Nadzorni odbor opštinskog/gradskog odbora:

- prati primenu odredaba Statuta i Programa i realizaciju odluka opštinskih/gradskih organa Stranke,
- prati regularnost izbora u mjesnim odborima Stranke, sumira nalaze, donosi ocjene i daje ih na razmatranje Predsjedništvu i Glavnom odboru Stranke
- prati rad opštinskih/gradskih organa Stranke, učestvuje u radu Izvršnog odbora bez prava odlučivanja, donosi ocjene o njihovom radu i o njima izvještava Predsjedništvo Stranke,
- prati rad odborničkog kluba i odbornika pojedinačno u skupštinama jedinica lokalne samouprave, donosi ocjene o radu opštinskih/gradskih organa Stranke i o tome izvještava Predsjedništvo Stranke,
- obavlja i druge poslove nadzora i kontrole po sopstvenoj inicijativi i inicijativi Nadzornog odbora Stranke, Predsjedništva ili predsjednika Stranke.

Nadzorni odbor u cjelini ili člana Nadzornog odbora može razriješiti Predsjedništvo Stranke ukoliko ocijeni da djeluje u suprotnosti sa Programom, Statutom i drugim odlukama organa Stranke i time ugrožavaju interes, ugled ili nanose štetu Stranci.

VI KLUBOVI

Klubovi poslanika

Član 46.

U Skupštini Republike Srbije izabrani poslanici Stranke formiraju Klub poslanika Stranke.

Predsjednika i zamjenika predsjednika Kluba poslanika biraju poslanici između sebe na prijedlog Predsjedništva Stranke.

U Klubu poslanika Stranke poslanici razmatraju sva pitanja koja su na dnevnom redu Skupštine radi zauzimanja zajedničkog stava i dogovaraju se o svim aktivnostima koje će preduzimati u Skupštini u skladu sa Programom, odlukama i stavovima Stranke.

Odbornički Klubovi

Član 47.

U skupštinama opština/gradova izabrani odbornici Stranke formiraju klubove odbornika Stranke gdje se dogovaraju o svojim aktivnostima i zauzimaju zajedničke stavove o pitanjima koja su na dnevnom redu Skupštine opštine, a u skladu sa Programom, odlukama i stavovima Stranke.

Predsjednika i zamjenika predsjednika kluba odbornika biraju odbornici između sebe na prijedlog Predsjedništva Stranke.

Klubovi članova Stranke

Član 48.

Stranka u okviru opštinskih/gradskih odbora formira klubove Stranke.

Klubovi Stranke se formiraju radi okupljanja i druženja članova Stranke, razmjene mišljenja o aktivnosti Stranke, praćenja TV, štampe, dnevne politike i sl.

Klub Stranke organizuje savjetovanja, predavanja i kurseve.

Klub Stranke ne može raditi po principu dobiti.

VII STRUČNE SLUŽBE STRANKE

Član 49.

Za obavljanje administrativnih, operativnih i materijalno-tehničkih poslova obrazuju se stručne službe Stranke u zavisnosti od potreba i mogućnosti Stranke, o čemu odlučuje Predsjedništvo Stranke.

Član 50.

Stručnim službama upravlja Šef stručnih službi kojeg imenuje Predsjedništvo Stranke.

VIII IZBORI I RAD ORGANA STRANKE

Član 51.

Izbori za sve organe Stranke sprovode se tajnim glasanjem između više kandidata.

Član 52.

Svi kandidati za organe i funkcije u Stranci moraju da uživaju ugled u sredini gdje žive i rade i da pokazuju odanost programskim načelima Stranke.

Predstavnici Stranke na stranačkim funkcijama, kao i u organima vlasti, moraju da budu odgovorni u radu i da pružaju svoj maksimum i time čuvaju i jačaju ugled Stranke.

Član 53.

Svi članovi organa Stranke i nosioci funkcija u Stranci ili organima vlasti za svoj rad odgovaraju nadležnim organima Stranke.

Član 54.

Svi organi Stranke dužni su raditi u skladu sa Statutom, Programom i odlukama viših organa Stranke.

IX MATERIJALNO - FINANSIJSKO POSLOVANJE

Član 55.

Stranka ostvaruje prihode iz javnih i privatnih izvora, u skladu sa Zakonom o finansiranju političkih aktivnosti.

Javne izvore finansiranja političke aktivnosti čine novčana sredstva i usluge i dobra koje daju Republika Srbija, autonomna pokrajina i jedinice lokalne samouprave, njihovi organi, kao i organizacije čiji su oni osnivači.

Privatne izvore finansiranja političke aktivnosti čine članarina, prilog, nasledstvo, legat, prihod od imovine i zaduživanje kod banaka i drugih finansijskih organizacija u Republici Srbiji.

Član 56.

Finansijsko poslovanje Stranke obavlja se putem blagajne i tekućeg računa, a u skladu sa zakonskim propisima.

Stranka ima samo jedan tekući račun.

Ulaz i izlaz sredstava može se izvršiti samo na osnovu pismenog naloga snabdevenog potpunom dokumentacijom i svaka promjena u sredstvima mora biti odmah evidentirana u knjigovodstvu.

Za materijalno i finansijsko poslovanje Stranke i kontakte sa nadležnim organima odgovorno je lice koje ovlasti Predsjedništvo.

Unutrašnja kontrola finansijskog poslovanja Stranke u nadležnosti je Nadzornog odbora Stranke.

Sredstva Stranke služe isključivo za potrebe njene aktivnosti i ona sa njima raspolaže u skladu sa pozitivnim propisima.

Naloge za raspolaganje sredstvima Stranke potpisuje Predsjednik Stranke ili lice koje on ovlasti.

Član 57.

Stranka može u skladu sa Zakonom osnivati preduzeća za obavljanje privrednih, uslužnih i drugih djelatnosti o čemu odluku donosi Glavni odbor Stranke.

X IZMJENE I DONOŠENJE PROGRAMA I STATUTA STRANKE

Član 58.

Izmjene i dopune Programa i Statuta ili donošenje novog Programa i Statuta u nadležnosti je Skupštine Stranke.

Član 59.

Pravo podnošenja prijedloga za izmjenu ili dopunu Programa i Statuta imaju: opštinski/gradski odbori, Predsjedništvo, članovi Glavnog odbora Stranke i najmanje pedeset članova Skupštine.

Prijedlozi se moraju dostaviti Glavnom odboru Stranke najkasnije trideset dana prije početka Skupštine.

Inicijativu za donošenje novog Programa i Statuta pokreće Glavni odbor i utvrđuje njegov prijedlog.

Prijedlog izmjena ili dopuna, odnosno teksta novog Programa i Statuta Stranke Glavni odbor utvrđuje većinom glasova svojih članova.

O izmjenama ili dopunama Programa i Statuta kao i o donošenju novog Programa i Statuta Skupština odlučuje dvotrećinskom većinom prisutih članova.

XI PRELAZNE I ZAVRŠNE ODREDBE

Član 60.

Stranka može prestati sa radom ako to odluči Skupština Stranke.

Skupština može odlučivati o prestanku rada Stranke samo ako je na njoj prisutno dvije trećine članova, a odluku o prestanku rada Stranke može donijeti ako je za nju glasalo dvije trećine prisutnih članova Skupštine.

Član 61.

Odlukom o prestanku rada istodobno se rješava i o imovini Stranke koja se takvom odlukom može odrediti samo u korist neke od humanitarnih, kulturnih i vjerskih ustanova ili se pokloniti odgovarajućoj instituciji koja se bavi zaštitom nacionalnih prava i očuvanjem identiteta Bošnjaka.

Član 62.

Predsjedništvo Stranke ima pravo u procesu usklađivanja dokumenata sa zakonom donositi odluke i mijenjati akta Stranke.

Član 63.

Svi organi Stranke nastavljaju sa radom do isteka mandata na koji su izbrani.

Član 64.

Ovaj Statut stupa na snagu danom donošenja.

Član 65.

Stupanjem na snagu ovog Statuta prestaje da važi Statut usvojen 31.10.2009. godine na petoj redovnoj Skupštini Stranke.

Novi Pazar
03.03.2012. godine

Skupština SDA Sandžaka
Predsjedavajući
Dr. Sulejman Ugljanin